

# Uvodnik

Mr. Edita Mulaosmanović

Deset godina publikovanja naučnog časopisa *Živa baština*, redovno i u kontinuitetu, prilika je da se Bibliografijom koja je pred čitaocima osvrnemo na protekli period iza kojeg stoji mnogo rada, truda, znanja i entuzijazma.


Prvi broj naučnog časopisa *Živa baština* objavljen je u decembru 2015. godine, s namjerom da izlazi četiri puta godišnje, što je danas, s obzirom na finansijsku situaciju u segmentu kulture i nauke, svojevrsan izazov na koji je uredništvo časopisa uspješno odgovorilo.

Ova bibliografija obuhvata priloge objavljene u naučnom časopisu *Živa baština*, koji je indeksiran u CEEOL bazi podataka te ima i vlastitu web-stranicu. Rađena je na osnovu izvora (*de visu*), prema međunarodnim bibliografskim standardima za izradu priloga u serijskim publikacijama. Za opis je korišten Pravidnik i priručnik za izradbu abecednih kataloga. Dio, 2 autorice Eve Verone. Za izradu je korišten COMARC/B format, komunikacijski format za mašinski čitljivo katalogiziranje i razmjenu bibliografskih informacija.

Rad na ovoj Bibliografiji obuhvatio je 36 brojeva i sadrži 274 bibliografskih jedinica. Bibliografski opis sadrži informacije o prilogima i časopisu iz kojeg su preuzeti. Bibliografija je izrađena u okviru Kooperativnog online bibliografskog sistema i servisa Bosne i Hercegovine (COBISS.BH). Sve bibliografske jedinice su dostupne i pretražive u okviru ovog sistema, te svaka ima svoj jedinstveni identifikacijski broj (ID broj) u okviru sistema COBISS.

Bibliografske jedinice su organizirane prema abecednom redoslijedu prezimena autora radova. Kod više autora jedne bibliografske jedinice svi autori su navedeni onim redom kojim su navedeni i u časopisu. Ispred bibliografskog opisa je naveden redni broj jedinice i on prati bibliografsku jedinicu u registrima. Sastavni dio Bibliografije čine *Registar naslova*, *Registar autora* i *Predmetni registar* koji povećavaju njenu informativnost i preciznije korištenje. Bibliografska građa je klasificirana prema Univerzalnoj decimalnoj klasifikaciji (UDK). Predmetnice su složene, a posebna pažnja je posvećena sadržajnoj obradi građe koja pruža neiscrpne mogućnosti prezentiranja tema.

Bibliografski opis sadrži naslov djela na izvornom i engleskom jeziku, podnaslov, podatak o primarnom i sekundarnom autorstvu, podatak o ilustracijama i bilješkama,





godište, broj i godinu izdavanja, broj stranica na kojima se u časopisu nalazi, te linkove na kojima je članak dostupan. Vezivanje članaka za časopis ostvaruje se preko *ISSN broja* (*International Standard Serial Number – Međunarodni standardni broj serijske publikacije*) koji je glavni element za identifikaciju.

Ova Bibliografija ima za cilj da stručnoj i naučnoj javnosti na jednom mjestu predoči naučne informacije, tematsku orijentaciju i kontinuitet, ne samo priloga, nego i publikacije čije priloge obrađuje, to jest naučnog časopisa *Živa baština*. Također, njome se obilježava značajan jubilej – deset godina kontinuiranog i redovnog publikovanja.

Svi radovi časopisa *Živa baština* dostupni su na zvaničnoj stranici Fondacije “Baština duhovnosti”. Radi što boljeg uvida i korištenja svih do sada objavljenih radova, priredili smo više tematskih pretraživača, koji umnogome olakšavaju rad istraživaču. Osim općeg pretraživača u koji se upisuje željeni pojam, postoje i već priređene pretrage po autoru, kategorijama, brojevima časopisa i ključnim riječima. Također, prilikom otvaranja bilo kojeg rada, stranica automatski nudi srodne radove, koji bi mogli zanimati istraživača.



## Živa baština

Časopis za filozofiju i gnozu

Glavni i odgovorni urednik Amar Imamović


Uredništvo Amina Šiljak-Jesenković, Ababs Ali, Ahmed Vaezi, Elvir Musić, Kijan Korjenić, Mensur Valjevac, Mubina Moker, Sead Šemsović, Sedad Dizdarević

[Politika časopisa | About a journal "Living Heritage" and publisher](#)

Časopis se nalazi u bazi podataka CEEOL

Časopis se nalazi u Registru domaćih publikacija Univerziteta u Tuzli koji se smatraju relevantnim za izbor u naučno-nastavna zvanja na Univerzitetu u Tuzli

O časopisu "Živa baština"



akademik Rešid Hafizović, dr.  
Elvir Musić, dr. Mubina Moker

Pretraga ...

Autori

Kategorije

Brojevi časopisa

Ključne riječi